



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

<<31>> հոկտեմբերի 2018թ.

Ո Ր Ո Շ ՈՒ Մ No. 3994 /19-Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով «ՆԱՐԵԿ» համատիրության վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների «ՆԱՐԵԿ» համատիրության (ՀՎՀՀ՝ 03015777, հասցե՝ Կոտայքի մարզ ք. Հրազդան, Միկրոշրջան, Մանկապարտեզի 11, պետ. գրանցման համար՝ 33.091.01680) չկատարված հարկային պարտավորությունը 01.10.2018 թվականի դրությամբ կազմել է 512.203 դրամ, որից ապառք՝ 327.576 դրամ, տույժ՝ 181.083 դրամ, տուգանք՝ 3.544 դրամ :

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին 01.10.2018թ-ին հարկ վճարողը ՀՀ ինտեռնետով ծանուցման պաշտոնական կայքում տեղադրելու միջոցով պատշաճ կերպով ծանուցվել է, սակայն չի ներկայացել վարույթի նյութերին ծանոթանալու համար և որևէ բացատրություն չի տվել:

ՀՀ ՊԵԿ իրավաբանական վարչության պետի կողմից 15.12.2018 թվականին կայացվել է թիվ 3476/19 որոշումն համատիրության 464.199 դրամ, ապառք՝ 358.776 դրամ, տույժ՝ 105.423 դրամ, եկամտային հարկի և սոցիալական վճարի (ամսական) հարկի գծով պարտավորությունները գանձելու վերաբերյալ: Թիվ 3476/19 որոշման

շրջանակներում պարտավորությունը նվազել է 371.779 դրամ, որից եկամտային հարկի գծով 309976 դրամ ապառք, սոցիալական վճարի (ամսական) գծով 61.803 դրամ, ապառք՝ 48.800, տույժ՝ 13.303 դրամ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է 419.783 դրամ, որից՝

եկամտային հարկի գծով պարտավորությունը կազմում է 415.724 դրամ, այդ թվում ապառք՝ 323.596 դրամ, տույժ՝ 88.584 դրամ, տուգանք՝ 3.544 դրամ, որն առաջացել 2017 թվականի դեկտեմբեր, 2018թ հոնվարից օգոստոս ամիսների հաշվարկներից և ՀՀ հարկային օրենսգրքի 401 հոդվածի համաձայն հաշվարկված տույժերից, ինչպես նաև 2018 թ հուլիս ամսվա հաշվարկը սահմանված ժամկետից ուշ ներկայացնելու հետևանքով ՀՀ հարկային օրենսգրքի 402 հոդվածի համաձայն հաշվարկված տուգանքից,

Սոցիալական վճարի (ամսական) գծով պարտավորությունը կազմում է 4.059 դրամ, այդ թվում ապառք՝ 3.980 դրամ, տույժ՝ 79 դրամ, որն առաջացել է 2018թ հուլիսից օգոստոս ամիսների հաշվարկներից և «Կուտակային կենսաթոշակների մասին» ՀՀ օրենքի 71-րդ հոդվածի համաձայն հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար է, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն «Հայաստանի Հանրապետության 2018 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ Հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. «ՆԱՐԵԿ» համատիրությանից գանձել 419.783 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ